



Broj: A- 115/2021
Brčko, 10. mart 2021. godine

U skladu s članom 34 Zakona o Tužilaštvu Brčko distrikta Bosne i Hercegovine (Službeni glasnik Brčko distrikta BiH, broj 19/07) kojim je propisano da Tužilaštvo Distrikta ima pravo i dužnost izvještavati Skupštinu Brčko distrikta Bosne i Hercegovine o svom radu kao i primjeni krivičnih zakona u Brčko distriktu, stanju kriminaliteta i tokovima kriminala, te rješavanju predmeta, dostavljam

IZVJEŠTAJ O RADU Tužilaštva Brčko distrikta BiH za period 1. 1. 2020. – 31. 12. 2020. godine

I – UVOD

Tužilaštvo Brčko distrikta BiH (u daljem tekstu: Tužilaštvo) kao institucija u okviru pravosuđa Brčko distrikta BiH obavlja poslove koji su mu Statutom i zakonima Brčko distrikta BiH stavljeni u nadležnost, tj. otkrivanje i gonjenje izvršilaca krivičnih djela, rukovođenje, nadgledanje i po potrebi neposredno vođenje istraga, podizanje optužnih akata, zastupanje istih pred sudovima Brčko distrikta BiH i podnošenje pravnih lijekova na odluke sudova u Distriktu.

Da bi odgovorilo navedenoj zakonskoj obavezi Tužilaštvo je, saglasno aktima o sistematizaciji i odobrenim budžetskim sredstvima, u 2020-oj godini upošljavalo ukupno dvadeset šest uposlenika, od čega je devet nosilaca tužilačkih funkcija, jedan sekretar Tužilaštva, pet stručnih saradnika, jedan šef administracije, devet službenika i jedan pripravnik. Sve pozicije tokom cijele godine su bile popunjene izuzev za jednog tužioca čija pozicija je bila upražnjena devet mjeseci, jednog stručnog saradnika čija pozicija je bila upražnjena sedam mjeseci i jednog službenika pozicija je bila upražnjena jedanaest mjeseci. Tokom godine iz objektivnih razloga (bolovanje) nisu dodatno radili tužioci u ukupnom trajanju od šezdeset pet radnih dana i službenici u ukupnom trajanju od 358 radnih dana.

Svi uposlenici Tužilaštva saglasno Pravilniku o unutrašnjoj organizaciji su raspoređeni u dva odjeljenja, Tužilačko odjeljenje i Administrativno odjeljenje. U okviru Tužilačkog odjeljenja egzistiraju tri Odsjeka: Odsjek za ratne zločine (tri tužioca), Odsjek za privredni, finansijski i organizovani kriminal (dva tužioca) te Odsjek za opći kriminal (tri tužioca).

Izvještaj o radu koji slijedi za polazno stanje uzima 1. 1. 2020. godine i upoređuje ga zaključno sa 31. 12. 2020. godine, kao definitivnim stanjem za izvještajni period. Izvještaj je prikazan tabelarno, prema vrstama krivičnih predmeta odnosno upisnika koji se u Tužilaštvu vode.

II – PRIMLJENI I RIJEŠENI PREDMETI

1. Podaci o prijavama, opći kriminal (KT predmeti)

Na početku izvještajnog perioda u Tužilaštvu nije bilo neriješenih prijava. U 2020-oj godini su primljene 223 prijave protiv 271 lica. Tokom 2020. godine riješene su prijave u svim predmetima protiv svih lica. Statistički pokazatelji govore da u najvećem broju (220 predmeta protiv 264 lica ili procentualno 98,65 % predmeta, odnosno 97,41% lica) prijave bivaju riješene donošenjem naredbe o sprovođenju istrage. U 3 predmeta protiv 7 lica prijave su riješene na drugi način.

Ukupan broj prijava u radu u 2020-oj godini, u odnosu na 2019. godinu je smanjen za 68 predmeta (23%) i 93 lica (25%). Podcrtavamo da su sve prijave iz izvještajnog perioda riješene, odnosno da na kraju godine nije bilo neriješenih prijava.

BOSNA I HERCEGOVINA
TUŽILAŠTVO – TUŽITELJSTVO
BRČKO DISTRIKTA BiH

TABELA „KT“, „KTK“, „KTPO“, „KTRZ“ PRIJAVE
1.1.-31.12. 2020. GODINE

OZNAKA	Neriješeno prijava 31. 12. 2019.		Primljeno prijava od 1. 1. - 31. 12. 2020.		Ukupno u radu		Riješeno prijava od 1. 1. do 31. 12. 2020.		Neriješeno prijava 31. 12. 2020. godine	
	Predmeti	Lica	Predmeti	Lica	Predmeti	Lica	Predmeti	Lica	Predmeti	Lica
KT	0	0	223	271	223	271	223	271	0	0
KTF	0	0	1	1	1	1	1	1	0	0
KTK	0	0	19	32	19	32	19	32	0	0
KTPO	0	0	21	30	21	30	21	30	0	0
KTO	0	0	1	1	1	1	1	1	0	0
KTRZ	0	0	0	0	0	0	0	0	0	0
UKUPNO	0	0	265	335	265	335	265	335	0	0

NAČIN RJEŠAVANJA PRIJAVA

OZNAKA	Naredba o neprovođenju istrage		Naredba o provođenju istrage		Na drugi način		Ukupno riješeno	
	Predmeti	Lica	Predmeti	Lica	Predmeti	Lica	Predmeti	Lica
KT	0	0	220	264	3	7	223	271
KTF	0	0	1	1	0	0	1	1
KTK	0	0	19	32	0	0	19	32
KTPO	0	0	21	30	0	0	21	30
KTO	0	0	1	1	0	0	1	1
KTRZ	0	0	0	0	0	0	0	0
UKUPNO	0	0	262	328	3	7	265	335

2. Podaci o istragama, opći kriminal (protiv poznatih punoljetnih izvršilaca krivičnih djela - KT predmeti)

Kada je riječ o tzv. općem kriminalu, na početku 2020. godine u Tužilaštvu je bio 51 predmet nezavršenih istraga protiv 67 lica. Tokom godine je primljeno još 220 predmeta protiv 264 lica, tako da je ukupno u radu bio 271 predmet protiv 331 lica. U izvještajnom periodu je riješeno 205 predmeta protiv 247 lica, a na kraju godine broj neriješenih predmeta je bio 65 protiv 84 lica.

Okončane istrage su rezultirale podizanjem 157 optužnica protiv 181 lica, odluka o obustavljanju istrage je donesena u 30 predmeta protiv 40 lica, dok je na drugi način (ustupanje predmeta drugom nadležnom tužilaštvu, spajanje predmeta i slično) okončano 18 predmeta protiv 26 lica.

Ukupan broj predmeta u radu u fazi istrage u 2020-oj godini, u odnosu na 2019. godinu je smanjen za 58 ili 18%, dok je u odnosu lica takođe došlo do smanjenja za 76 ili 19 %.

Prema dinamici rješavanja istraga u 2020. godini, svi nezavršeni predmeti istrage iz oblasti općeg kriminala mogu biti riješeni za manje od četiri mjeseca.

Struktura svih još nezavršenih istraga (**sve vrste kriminala - opći, privredni kriminal i korupcija**) po glavama Krivičnog zakona i po krivičnim djelima je sljedeća:

- Krivična djela protiv države (Izazivanje nacionalne, rasne i vjerske mržnje, razdora ili netrpeljivosti) 1 predmet protiv 1 lica;
- Krivična djela protiv života i tijela (Teška tjelesna povreda, Laka tjelesna povreda)7 predmeta protiv 8 lica;
- Krivična djela protiv slobode i prava čovjeka i građanina (Ugrožavanje sigurnosti, Prevara pri glasanju) 2 predmeta protiv 2 lica;
- Krivična djela protiv spolne slobode i morala (Bludne radnje, Trgovina ljudima) 3 predmeta protiv 4 lica;
- Krivična djela protiv braka, porodice i omladine (Vanbračna zajednica s mlađim maloljetnikom, Povreda porodičnih obaveza, Nasilje u porodici, Izbjegavanje izdržavanja)..... 6 predmeta protiv 7 lica;
- Krivična djela protiv zdravlja ljudi (Neovlaštena proizvodnja i stavljanje u promet opojnih droga, Omogućavanje uživanja opojnih droga)..... 11 predmeta protiv 19 lica;
- Krivična djela protiv privrede, poslovanja i sigurnosti platnog prometa (Zloupotreba položaja odgovornog lica, Prevara u privrednom poslovanju, Krivotvorenje kreditnih i ostalih kartica bezgotovinskog plaćanja, Obmana pri dobijanju kredita ili drugih pogodnosti)..... 6 predmeta protiv 9 lica;
- Krivična djela iz oblasti poreza (Porezna utaja, Neplaćanje poreza, Podnošenje lažne porezne prijave)..... 3 predmeta protiv 7 lica;
- Krivična djela protiv imovine (Krađa, Teška krađa, Razbojništvo, Utaja, Oštećenje tuđe stvari, Prevara, Iznuda, Prevara povjerilaca, Paljevina) 23 predmeta protiv 29 lica;
- Krivična djela protiv okoliša, poljoprivrede i prirodnih dobara (Pustošenje šuma, Šumska krađa, Mučenje i ubijanje životinja)

- 4 predmeta protiv 5 lica;
- Krivična djela protiv sigurnosti javnog saobraćaja (Ugrožavanje javnog saobraćaja, Teška krivična djela protiv sigurnosti javnog saobraćaja) 4 predmeta protiv 4 lica;
- Krivična djela protiv pravosuđa (Pripremanje krivičnog djela, Udruživanje radi počinjenja krivičnih djela) 4 predmeta protiv 7 lica;
- Krivična djela protiv javnog reda i pravnog saobraćaja (Krivotvorenje isprave) 3 predmeta protiv 3 lica;
- Krivična djela podmićivanja i krivična djela protiv službene i druge odgovorne dužnosti (Primanje dara i drugih oblika koristi, Primanje nagrade ili drugog oblika koristi za trgovinu uticajem, Davanje nagrade ili drugog oblika koristi za trgovinu uticajem, Zloupotreba položaja ili ovlaštenja, Pronevjera u službi) 10 predmeta protiv 18 lica.


Specifikacija neriješenih istražnih predmeta po godinama i za sve vrste **kriminala (opći, privredni kriminal i korupciju)** pokazuje veoma mali broj neriješenih istraga iz ranijih godina („stari predmeti“). Tako je npr. zaključno sa 2019. godinom ostalo neriješenih 9 predmeta protiv 17 lica. Pri ovome treba uzeti u obzir da u 4 predmeta okončanje istrage nije moguće iz razloga nedostupnosti osumnjičenih lica i da je za svim takvim licima raspisana potjernica. Ostalih 78 predmeta protiv 106 lica neriješenih istraga potiču iz izvještajne 2020-te godine.

I
„KT“ ; „KTK“; „KTPO“; „KTRZ“ – ISTRAGE -1. 1. - 31. 12. 2020. GODINE

Oznaka predmet	Broj riješenih predmeta tokom 2019.		Broj neriješenih predmeta 31.12.2019.		Predmeti primljeni od 1.1.-31.12.2020.		Ukupno u radu od 1.1.-31.12.2020.		Riješeno u periodu 1.1.-31.12.2020.		Broj neriješenih predmeta 31.12.2020.	
	Predmeta	lica	predmet	Lica	predmet	Lica	predmet	lica	predmet	lica	predmet	lica
KT	278	341	51	66	220	264	271	331	205	247	65	84
KTF	0	0	0	0	1	1	1	1	0	0	1	1
KTK	25	51	4	11	19	32	23	43	13	22	10	21
KTPO	24	40	9	14	21	30	30	44	20	28	10	16
KTO	0	0	0	1	1	1	1	2	0	1	1	1
KTRZ	3	4	2	2	0	0	2	2	0	0	2	2
Ukupno	330	436	66	94	262	328	328	423	238	298	89	125

SPECIFIKACIJA NERIJEŠENIH “KT”; KTK”; “KTPO” “KTRZ”ISTRAGA
Stanje 31. 12. 2020. godine

Godina	Broj predmeta	Broj lica u predmetima	%
2005	1	1	1,12
2008	1	1	1,12
2013	1	1	1,12
2015	1	2	1,12
2018	1	2	1,12
2019	4	10	4,50
2020	78	106	87,65
RZ	2	2	2,25
UKUPNO	89	125	100,00



II
 „KT“ ; „KTK“; „KTPO“; „KTRZ“ - ISTRAGE -
 1. 1. - 31. 12. 2020. GODINE

OZNAKA predmeta	UKUPAN BROJ VOĐENIH ISTRAGA U PERIODU 1.1.-31.12.2020.		UKUPAN BROJ PODIGNUTIH OPTUŽNICA 1.1.-31.12.2020.		ODBIJENO POTVRĐIVANJE OPTUŽNICE 1.1.-31.12.2020.		UKUPAN BROJ OBUSTAVLJENIH ISTRAGA U PERIODU 1.1.-31.12.2020.		ISTRAGE RIJEŠENE NA DRUGI NAČIN 1.1.-31.12.2020.		UKUPAN BROJ RIJEŠENIH ISTRAGA OD 1.1.-31.12.2020.		UKUPAN BROJ NERIJEŠENIH ISTRAGA 31.12.2020. GODINE	
	I		II				III		IV		V=(II+III+IV)		VII=(I-V)	
	PREDMETI	LICA	PREDMETI	LICA	PREDMETI	LICA	PREDMETI	LICA	PREDMETI	LICA	PREDMETI	LICA	PREDMETI	LICA
KT	271	331	157	181	1	2	30	40	18	26	205	247	65	84
KTF	1	1	0	0	0	0	0	0	0	0	0	0	1	1
KTK	23	43	11	17	0	0	2	5	0	0	13	22	10	21
KTPO	30	44	11	12	0	0	7	9	2	7	20	28	10	16
KTO	1	2	0	0	0	0	0	0	0	1	0	1	1	1
KTRZ	2	2	0	0	0	0	0	0	0	0	0	0	2	2
	328	423	179	210	1	2	39	54	20	34	238	298	89	125

3. „KT“ Optuženja, opći kriminal (podignute optužnice i zastupanja pred sudom)

Na dan 01. 01. 2020. godine u Tužilaštvu je bilo podignuto a nepresuđeno (za opći kriminal) 188 optužnih akata protiv 240 lica, u izvještajnom periodu podignuto je i potvrđeno još 156 optužnica protiv 179 lica, tako da su ukupno u radu bila 344 predmeta optuženja protiv 419 lica. Riješeno je 175 predmeta protiv 207 lica, tako da za dalji rad ostaje 169 predmeta protiv 212 lica.

U izvještajnom periodu **jedna podignuta optužnica nije potvrđena od strane suda.**

Priložena specifikacija neriješenih predmeta (opći i privredni kriminal) po godinama pokazuje da postoji veoma mali broj «starijih» predmeta koji nisu presuđeni, npr. zaključno sa 2016. godinom broj neriješenih predmeta je 38 protiv 43 lica, zaključno sa 2017-om godinom 58 predmeta protiv 73 lica a zaključno sa 2018. godinom neriješenih je 89 predmeta protiv 105 lica dok je zaključno sa 2019. godinom broj neriješenih predmeta 151 protiv 189 lica.

Struktura optuženih a još uvijek nepresuđenih predmeta je sljedeća:

- Krivična djela protiv države (Izazivanje rasne i vjerske mržnje, razdora ili netrpeljivosti)1 predmet protiv 1 lica;
- Krivična djela protiv života i tijela (Ubistvo, Teška tjelesna povreda, Laka tjelesna povreda, Učestvovanje u tuči)26 predmet protiv 36 lica;
- Krivična djela protiv slobode i prava čovjeka (Otmica, Zlostavljanje u obavljanju službe, Ugrožavanje sigurnosti) 5 predmeta protiv 8 lica;
- Krivična djela protiv spolne slobode i morala (Silovanje, Spolni odnos s nemoćnim licem, Bludne radnje, Zadovoljenje pohote pred djetetom ili maloljetnikom, Iskorištavanje djeteta ili maloljetnika radi pornografije)..... 8 predmeta protiv 10 lica;
- Krivična djela protiv braka, porodice i omladine (Zapuštanje ili zlostavljanje djeteta ili maloljetnika, Oduzimanje djeteta ili maloljetnika, Nasilje u porodici)12 predmeta protiv 14 lica;
- Krivična djela protiv zdravlja ljudi (Neovlaštena proizvodnja i stavljanje u promet opojnih droga, Omogućavanje uživanja opojnih droga).....27 predmeta protiv 40 lica;
- Krivična djela protiv privrede, poslovanja i sigurnosti platnog prometa (Zloupotreba položaja odgovornog lica, Oštećenje povjerilaca, Prevara u privrednom poslovanju, Nedoželjena trgovina, Obmana pri dobijanju kredita)..... 11 predmeta protiv 11 lica;
- Krivična djela iz oblasti poreza (Porezna utaja)..... 8 predmeta protiv 8 lica;
- Krivična djela protiv imovine (Krađa, Teška krađa, Razbojništvo, Utaja, Oštećenje tuđe stvari, Prevara, Iznuda, Zloupotreba povjerenja, Paljevina) 53 predmeta protiv 68 lica;
- Krivična djela protiv okoliša, poljoprivrede i prirodnih dobara (Šumska krađa) 4 predmeta protiv 4 lica;
- Krivična djela protiv opšte sigurnosti ljudi i imovine (Izazivanje opće opasnosti) 3 predmeta protiv 3 lica;

- Krivična djela protiv sigurnosti javnog saobraćaja (Ugrožavanje javnog saobraćaja, Ugrožavanje javnog saobraćaja usljed omamljenosti, Teška krivična djela protiv sigurnosti javnog saobraćaja) 10 predmeta protiv 10 lica;
- Krivična djela protiv pravosuđa (Organizirani kriminal, Lažno prijavljivanje) 4 predmeta protiv 4 lica;
- Krivična djela protiv javnog reda i pravnog saobraćaja (Skidanje ili povreda službenog pečata ili znaka, Nedozvoljeno držanje oružja ili eksplozivnih materija, Krivotvorenje isprave, Posebni slučajevi krivotvorenja isprave, Ovjeravanje neistinitog sadržaja) 15 predmeta protiv 15 lica;
- Krivična djela podmićivanja i krivična djela protiv službene i druge odgovorne dužnosti (Primanje dara ili drugih oblika koristi, Davanje nagrade ili drugog oblika koristi za trgovinu uticajem, Zloupotreba položaja ili ovlasti, Pronevjera u službi, Prevara u službi, Nesavjestan rad u službi i Krivotvorenje službene isprave).....30 predmeta protiv 55 lica.


- TABELARNI PRIKAZ „KT“, „KTPO“ i „KTRZ“ OPTUŽENJA - 1. 1. - 31. 12. 2020. GODINE

OZNAKA predmeta	Broj riješenih predmeta u 2019. godini		Broj neriješenih optužnica 31.12.2019. godine		Potvrđene optužnice u periodu 1.1.- 31.12.2019.		Ukupno u radu 1.1.- 31.12.2019.		Riješeno 1.1.- 31.12.2019.		Ukupan broj neriješenih predmeta u radu 31.12.2019.	
	predmeti	lica	predmeti	lica	predmeti	lica	predmeti	lica	predmeti	lica	predmeti	lica
KT	244	282	188	240	156	179	344	419	175	207	169	212
KTK	18	20	23	41	11	17	34	58	8	8	26	50
KTPO	8	9	30	35	11	12	41	47	20	25	21	22
KTO	0	0	1	1	0	0	1	1	0	0	1	1
KTRZ	1	1	6	7	0	0	6	7	1	1	5	6
Ukupno:	271	312	248	324	178	208	426	532	204	241	222	291

SPECIFIKACIJA NEZAVRŠENIH „KT“, „KTK“, „KTPO“ i „KT-RZ“

- OPTUŽENJA SA 31.12.2020.

GODINA	BROJ PREDMETA	BROJ LICA U PREDM.	% u odnosu na predmete
1993	1	1	0,45
2001	1	1	0,45
2004	1	1	0,45
2005	3	3	1,35
2006	4	4	1,80
2008	3	3	1,35
2009	1	1	0,45
2010	2	2	0,90
2011	3	3	1,35
2012	2	2	0,90
2013	2	4	0,90
2014	3	4	1,35
2015	5	6	2,25
2016	7	8	3,15
2017	20	30	9,00
2018	31	52	13,97
2019	62	84	27,94
2020	66	76	29,74
Ratni zločini	5	6	2,25
Ukupno	222	291	100,00



TABELARNI PRIKAZ „KT“; „KTPO“; „KTK“; „KTO“; „KTRZ“ OPTUŽENJA

NAČIN RJEŠAVANJA OPTUŽENJA - 1.1.- 31.12.2020. GODINE

OZNAKA predmeta	UKUPAN BROJ OPTUŽENJA U PERIODU 1.1.-31.12.2020.		UKUPAN BROJ PRAVOSNAŽNO PRESUĐENIH OPTUŽENJA 1.1.-31.12.2020.		UKUPAN BROJ OBUSTAVLJEN POSTUPAK 1.1.-31.12.2020		OPTUŽENJA RIJEŠENA NA DRUGI NAČIN (odust.od optužbe/ ustup/spajanje) 1.1.-31.12.2020.		UKUPAN BROJ RIJEŠENIH OPTUŽENJA 1.1.-31.12.2020.		UKUPAN BROJ NERIJEŠENIH OPTUŽENJA 31.12.2020. GODINE	
	I		II		III		IV		V=(II+III+IV)		VII=(I-V)	
	PREDMETI	LICA	PREDMETI	LICA	PREDMETI	LICA	PREDMETI	LICA	PREDMETI	LICA	PRED METI	LICA
KT	344	419	172	202	2	3	1	2	175	207	169	212
KTK	34	58	8	8	0	0	0	0	8	8	26	50
KTPO	41	47	16	21	0	0	4	4	20	25	21	22
KTO	1	1	0	0	0	0	0	0	0	0	1	1
KTRZ	6	7	0	0	0	0	1	1	1	1	5	6
	426	532	196	231	2	3	5	6	204	241	222	291

4. „KTM“ predmeti (maloljetni počinioci krivičnih djela)

Na dan 01. 01. 2020. godine nije bilo neriješenih predmeta protiv maloljetnih izvršilaca krivičnih djela, tokom godine primljeno je 11 novih predmeta protiv 20 maloljetnika, koji su i bili predmetom rada odnosno rješavanja. Tokom 2020. godine riješeno je 8 predmeta protiv 16 maloljetnika a neriješenih su ostala 3 predmeta protiv 4 lica. Ova činjenica pokazuje da Tužilaštvo u potpunosti udovoljava zakonskoj odredbi da se postupci prema maloljetnicima provode u hitnoj proceduri.

Struktura završenih „KTM“ predmeta je sljedeća:

- Krivična djela protiv života i tijela (Laka tjelesna povreda).....1 predmet protiv 1 lica;
- Krivična djela protiv zdravlja ljudi (Neovlaštena proizvodnja i stavljanje u promet opojnih droga)1 predmet protiv 1 lica;
- Krivična djela protiv imovine (Krađa, Teška krađa, Razbojništvo, Oštećenje tuđe stvari)6 predmeta protiv 14 lica.

Struktura nezavršenih „KTM“ predmeta je sljedeća:

- Krivična djela protiv zdravlja ljudi (Neovlaštena proizvodnja i stavljanje u promet opojnih droga).....1 predmet protiv 1 lica,
- Krivična djela protiv imovine (Krađa, Teška krađa,) 2 predmeta protiv 3 lica.

**«KTM» PREDMETI
1.1.-31.12.2020.**

BROJ RIJEŠENIH PREDMETA U 2019.		BROJ NERIJEŠ. predmeta 31.12.2019. god.		Primljeno novih 1.1.- 31.12.2020.		Ukupno u radu 1.1.- 31.12.2020.		RIJEŠENI PREDMETI 1.1.-31.12.2020. PREDMETA=8 MALOLJETNA LICA =16												Broj neriješenih predmeta 31.12.2020.	
								predložene zavodske mjere		predložene vanzavodske odgojne mjere		policijsko upozorenje		obustava P.P. riješeno N.d.N (ustup/spajanje)		Nepokreta nje postupka (OD STRANE TUŽILAŠTVA, djeca, cleishodnost, oportunitet i dr.)		NEPOKRETA NJE PRIP.POST. izrečene vasp.prepor.			
Pred.	lica	pred.	lica	pred	lica	pred.	lica	pred	lica	pred	lica	pred	lica	pred	lica	pred	lica	pred	lica	pred.	lica
15	19	0	0	11	20	11	20	0	0	3	5	2	2	1	4	2	5	6	8	3	4

5. «KTA», «KTAPO» i «KTAK» predmeti

Ovi predmeti predstavljaju razne prijave i izvještaje koji indiciraju ili eventualno ukazuju na protivpravnu radnju iz bilo koje vrste krivičnih djela općeg kriminala ili privrednog kriminala i korupcije ali indicije nisu takvog nivoa da dostižu stepen osnova sumnje da je počinjeno krivično djelo da bi se naredila istraga. Stoga je u ovim predmetima potrebno obaviti prikupljanje dodatnih obavještenja i informacija da bi se donijela odluka o pokretanju ili nepokretanju istrage. Takođe se u ove predmete klasifikuju samoubistva, razni događaji koje građani prijavljuju i slični predmeti.

S danom 1. 1. 2020. godine iz ranijih godina je ostalo neriješenih 105 predmeta, tokom 2020. godine primljeno je u rad još 336 predmeta. Od ukupno 441 predmet u radu, riješena su 240 predmeta dok je neriješenih ostao 201 predmet.


Ako se sagledaju načini završetka ovih predmeta vidljivo je da 60,8 % predmeta biva završeno naredbom o neprovođenju istrage , u 33,3 % predmeta biva otvorena istraga (bilo protiv poznatog bilo protiv nepoznatog počinioca), a 5,8 % predmeta biva završeno na drugi način (spajanjem predmeta, ustupanje drugom nadležnom tužilaštvu i sl.).

TABELARNI PRIKAZ
„KTA“; „KTAPO“; „KTAK“; „KTA-RZ“ PREDMETI
1. 1. - 31. 12. 2020. GODINE

Broj riješenih predmeta u 2019. godini	Broj neriješenih predmeta 31.12.2019.		Primljeno novih predmeta u izvještajnom periodu	UKUPNO U RADU OD 1. 1.-31.12.2020.	RIJEŠENO OD 1.1.-31.12.2020.			UKUPNO RIJEŠENO 1.1.-31.12.2020.	OSTAJE U RADU 31.12.2020.
					242 predmeta, na način:				
					Nepokretanje istrage	Prelazak u drugu vrstu predmeta	Na drugi način (spajanje/ustup)		
352	KTA	65	207	272	102	55	6	163	109
	KTAK	25	60	85	23	17	3	43	42
	KTAPO	15	69	84	21	8	5	34	50
	KTA-RZ-	4	0	4	2	0	0	2	2
	UKUPNO	109	336	445	148	80	14	242	203

SPECIFIKACIJA NEZAVRŠENIH
„KTA“-SVE VRSTE PREDMETA 31.12.2020.

GODINA	BR.PREDM.
2018	4
2019	21
2020	176
KTA-RZ-	2
UKUPNO	203



6. „KTN“ predmeti (istrage protiv nepoznatih počinitelja krivičnih djela)

Ovi predmeti predstavljaju onu vrstu predmeta gdje već postoji osnov sumnje da je izvršeno neko krivično djelo ali je počinitelj istog nepoznat. Zatečeno stanje neriješenih predmeta ove vrste s danom 1.1.2020. godine bilo je 2.463 predmeta, u 2020. godini je primljeno još 363 takvih predmeta, tako da je ukupno u radu bilo 2.826 predmeta. Tokom 2020. godine riješena su 503 predmeta tako da ostaje u radu 2.323 predmeta.

ZAPRIMLJENI „KTN“, „KTNK“ i „KTNPO“ PREDMETI TOKOM 2020. GODINE

GLAVA	Naziv krivičnog djela	Broj kriv. djela/predmeta
15	Izazivanje nacionalne, rasne i vjerske netrpeljivosti 160	4
16	Ubistvo 163	1
	Teška tjelesna povreda 169	3
	Laka tjelesna povreda 170	6
	Učestvovanje u tuči	1
17	Neovlašteno prisluškivanje i zvučno snimanje 185	1
19	Spolni odnos s djetetom 204	1
21	Neovlaštena proizvodnja i stavljanje u promet opojnih droga 232	2
22	Krivotvorenje kreditnih i ostalih kratica bezgotovinskog plaćanja 251	1
25	Krađa 280	128
	Teška krađa 281	123
	Razbojništvo 283	3
	Utaja 284	7
	Oštećenje tuđe stvari 287	27
	Prevara 288	5
	Paljevina 295	1
26	Šumska krađa 310	28
27	Izazivanje opće opasnosti 317	8
29	Pripremanje krivičnog djela 333	2
	Sprečavanje dokazivanja 343	1
30	Skidanje ili povreda služb. pečata ili znaka 360	2
	Nedozvoljeno držanje oružja ili eksplozivnih tvari 365	2
	Krivotvorenje isprave 367	4
32	Oštećenje računarskih podataka i programa 387	1
	Neovlašten pristup zaštićenom sistemu i mreži elektroničke obrade podataka 391	1
UKUPNO PRIMLJENO „KTN“ „KTNPO“ PREDMETA:		363

**ZBIRNA SPECIFIKACIJA KTN PREDMETA PO GLAVAMA KRIVIČNOG ZAKONA
BRČKO DISTRIKTA BiH – period 1. 1. - 31. 12. 2020. godine**

Glava	Naziv glave KZ BD BiH	Broj predmeta
15	Krivična djela protiv države	4
16	Krivična djela protiv života i tijela	11
17	Krivična djela protiv slobode i prava čovjeka	1
19	Krivična djela protiv spolne slobode i morala	1
21	Krivična djela protiv zdravlja ljudi	2
22	Krivična djela protiv privrede, poslovanja i sigurnosti platnog prometa	1
25	Krivična djela protiv imovine	294
26	Krivična djela protiv okoliša, poljoprivrede i prirodnih dob.	28
27	Krivična djela protiv opšte sigurnosti ljudi i imovine	8
29	Krivična djela protiv pravosuđa	3
30	Krivična djela protiv javnog reda i pravnog saobraćaja	8
32	Krivična djela protiv sistema elektroničke obrade podataka	2
	UKUPNO:	363

Od 363 krivičnih djela izvršenih po nepoznatom počiniocu, njih 294 ili 81% predstavljaju imovinska krivična djela, a samo krivična djela Krađe (35%) i Teške krađe (34%) su počinjena u procentu od 69 % (više od 2/3 svih izvršenih krivičnih djela po nepoznatom počiniocu).

U 2020-oj godini su riješena 503 predmeta, a ostaju u radu 2.323 predmeta. Najveći broj predmeta je riješen obustavom istrage zbog nastupanja zastarjelosti krivičnog gonjenja. Naime, Tužilaštvo redovno izdvaja predmete u kojima je došlo do nastupanja apsolutne ili relativne zastarjelosti krivičnog gonjenja i po sili zakona donosi rješenje o obustavi istrage čime se ova vrsta predmeta drži u potpuno ažurnom stanju.


Ako se sagleda priložena struktura izvršenih krivičnih djela po nepoznatom počiniocu u 2020-oj godini vidljivo je da iole značajnije nisu zastupljena teška krivična djela. Međutim, postoji nekoliko predmeta iz ranijih godina u kojima se još uvijek vodi istraga zbog izvršenih teških krivičnih djela a da počinitelj istih nije otkriven. Izdvajamo nerasvijetljena ubistva (ubistvo pokojne djevojčice Suzane Simikić iz 2001. godine, ubistvo pokojne Radovanović Verice iz 2005. godine, kao i ubistvo Ristić Đorđa zv. «Đoja»). Istrage usmjerene na otkrivanje počinitelja ovih teških krivičnih djela se i dalje provode kako bi se ubistva rasvijetlila i počinioci identificirali.

TABELARNI PRIKAZ
1.1.-31.12.2020. GODINE
«KTN» PREDMETI

Broj riješenih predmeta u 2019. godini	Broj neriješenih predmeta 31.12.2019.god.		Primljeno novih predmeta u izvještajni period	UKUPNO U RADU 1.1.-31.12.2020.	RIJEŠENO 1.1.-31.12.2020.	OSTAJE U RADU 31.12.2020.
545	KTN	2.460	362	2.822	502	2.320
	KTNK	1	0	1	0	1
	KTNPO	2	1	3	1	2
	KTN-RZ	31	0	31	0	31
UKUPNO 2020 .		2.494	363	2.857	503	2.354

SPECIFIKACIJA NEZAVRŠENIH
«KTN» „KTNK“ „KTNPO“ PREDMETA 31.12.2020.

GODINA	BROJ PREDMETA
2001	1
2003	6
2004	8
2005	13
2006	24
2007	22
2008	25
2009	20
2010	11
2011	196
2012	167
2013	114
2014	114
2015	116
2016	180
2017	252
2018	363
2019	373
2020	318
KTNRZ	31
UKUPNO:	2354



7. „KTP“, „KTPP“ i „KTR“ predmeti

Tužilaštvo je nakon donošenja negativnih tužilačkih odluka (nesprovođenje istrage ili obustavljanje istrage) a po pritužbi oštećenog ili podnosioca krivične prijave na takve odluke, formiralo 31 predmet („KTP“ predmeti), odluke su donesene u 27 predmeta dok u 4 predmeta odluke nisu donijete.

Tužilaštvo je takođe učestvovalo u proceduri ponavljanja krivičnog postupka (KTPP predmeti) u 24 predmeta. Završeno je 16 predmeta a ostalo neriješenih 8 predmeta (sud još nije donio odluku). Radilo se uglavnom o nepravom ponavljanju krivičnog postupka provedenom u skladu s članom 324a Zakona o krivičnom postupku Brčko distrikta BiH. tj. kada je u dvjema ili više presuda protiv istog osuđenog pravosnažno izrečeno više kazni a nisu primijenjene odredbe o odmjeraivanju jedinstvene kazne za djela u sticaju.

Tužilaštvo je riješilo i 7 „KTR“ predmeta (razni tužilački predmeti).

U ukupno „KTPOM“ 3 predmeta, od kojih su 2 završena, Tužilaštvo je pružalo pravnu pomoć drugim pravosudnim institucijama u BiH. U ukupno „KTMPOM“ 14 predmeta Tužilaštvo je pružalo međunarodnu pravnu pomoć i u 10 predmeta je to već realizovano dok u 4 predmeta tek treba postupiti po zahtjevima za međunarodnu pravnu pomoć.

«KTP» PREDMETI

Broj neriješenih predmeta 31.12.2019.	Broj primljenih predmeta 1.1.- 31.12.2020.	Ukupno u radu 1.1.- 31.12.2020.	RIJEŠENO			Broj neriješenih predmeta 31.12.2020.
			Pritužba odbijena	Pritužba odbačena	Pritužba uvažena	
4	27	31	23	4	0	4

„KTPP“ PREDMETI

Broj neriješenih predmeta 31.12.2019.	Broj primljenih predmeta 1.1.- 31.12.2020.	Ukupno u radu 1.1.- 31.12.2020.	RIJEŠENO (dato izjašnjenje)	Broj neriješenih predmeta 31.12.2020.
5	19	24	16	8

„KTR“ (TUŽILAČKI PREDMETI RAZNO)

Broj neriješenih predmeta 31.12.2019.	Broj primljenih predmeta 1.1.- 31.12.2020.	Ukupno u radu 1.1.- 31.12.2020.	RIJEŠENO	Broj neriješenih predmeta 31.12.2020.
0	7	7	7	0

„KTPOM” (PRAVNA POMOĆ)

Broj neriješenih predmeta 31.12.2019.	Broj primljenih predmeta 1.1.- 31.12.2020.	Ukupno u radu 1.1.- 31.12.2020.	RIJEŠENO	Broj neriješenih predmeta 31.12.2020.
0	3	3	2	1

„KTMPOM” (MEĐUNARODNA PRAVNA POMOĆ)

Broj neriješenih predmeta 31.12.2019.	Broj primljenih predmeta 1.1.- 31.12.2020.	Ukupno u radu 1.1.- 31.12.2020.	RIJEŠENO	Broj neriješenih predmeta 31.12.2020.
2	12	14	10	4

8. Presude i žalbeni postupak

Tužilaštvo je u 2020. godini u 17 predmeta protiv 19 lica izjavilo žalbe na prvostepene presude. Iz ranijeg perioda u 14 predmeta protiv 16 lica nije bio okončan postupak po žalbi. U do sada riješenih žalbi u 19 predmeta protiv 20 lica u cijelosti su uvažene žalbe Tužilaštva u 7 predmeta protiv 7 lica a u 12 predmeta protiv 13 lica su odbijene žalbe ovog Tužilaštva. Na kraju 2020. godine pred sudovima nisu okončani postupci po žalbi u 12 predmeta protiv 15 lica.

Najčešći žalbeni razlog jeste odluka o krivičnopravnoj sankciji, u pokušaju tužilaštva da pooštri kazne izrečene od strane prvostepenog suda.

Po podignutim optužnicama ovog tužilaštva u 96,43 % predmeta, odnosno prema 96,10 % optuženih lica, sudovi su donijeli pravosnažno osuđujuće presude dok su u 3,57 % predmeta, odnosno za 3,90 % lica donijete neosuđujuće presude. Ovo je kredibilan pokazatelj kvaliteta i osnovanosti optužnica koje tužilaštvo podiže.

U 2020. godini kao što je već rečeno presuđeno je 196 predmeta protiv 231 lica (za opći, privredni kriminal i korupciju). Od tog broja, izricanjem kaznenog naloga je okončano 59 predmeta (30%) protiv 59 lica (25%), sporazumom o priznanju krivice je okončano 45 predmeta (23%) protiv 55 lica (23%). Dakle u 53% predmeta, odnosno prema 48% lica postupak biva okončan u skraćenoj proceduri, bez sprovedenog postupka «potpunog suđenja».

Dužina trajanja istrage u predmetima opšteg kriminala prosječno iznosi 128 dana ili oko 4 mjeseca. U ovaj vremenski period se računa vrijeme od obavještanja tužioca o počinjenom krivičnom djelu (u praksi se taj momenat obično poklapa sa momentom izvršenja krivičnog djela) pa do trenutka donošenja tužilačke odluke.

Istraga u predmetima privrednog kriminala u prosjeku traje 165 dana ili 5,5 mjeseci a u predmetima korupcije istraga prosječno traje 135 dana ili 4,5 mjeseci.

Prosjek trajanja istrage objedinjeno u svim vrstama predmeta je (KT, KTPO, KTK) 131 dan ili 4,4 mjeseca.

TABELARNI PRIKAZ
IZVJEŠTAJ O RADU **1.1.-31.12.2020.** GODINE

PREDMETI PO ŽALBI „KTŽ“; „ KTKŽ“; „ KTPOŽ“; „KTRZZ“

Stanje neriješenih predmeta po žalbi Tužilaštva na dan 31.12.2019.		IZJAVLJENJE ŽALBE 1.1.-31.12.2020.		UKUPAN BROJ		RIJEŠENI PREDMETI 19=20								NERIJEŠENO PREDMETA PO ŽALBI 31.12.2020.	
						UVAŽENA ŽALBA TUŽILAŠTVA		DJELIMIČNO UVAŽENA		ODBIJENA ŽALBA TUŽILAŠTVA		OBUSTAVA POSTUPKA			
predmeti	lica	predmeti	lica	predm.	lica	predm.	lica	predm	lica	predm.	lica	predm.	lica	predm.	lica
14	16	17	19	31	35	7	7	0	0	12	13	0	0	12	15

III - POSEBAN OSVRT NA PREDMETE RATNIH ZLOČINA

Na početku podcrtavamo da saglasno važećim zakonima, nadležnost za istraživanje i procesuiranje krivičnih djela ratnog zločina na području Brčko distrikta BiH dijele Tužilaštvo BiH i Tužilaštvo Brčko distrikta BiH. Saglasno Zakonu o krivičnom postupku BiH, predmete koji su započeti i formirani do 1. marta 2003. godine treba da okonča ovo Tužilaštvo, dok sve predmete koji su formirani ili tek treba da budu formirani nakon ovoga datuma procesuiraju Tužilaštvo BiH.

Efekti rada Tužilaštva u 2020-oj godini u ovoj oblasti, statistički prikazano kroz pojedine faze krivičnog postupka, su sljedeći

III 1. Prijave

Tokom 2020. nije zaprimljena niti jedna prijava za ovu vrstu krivičnih djela.

III 2. Istrage

U fazi istrage na početku godine su se nalazila neriješena 2 predmeta protiv 2 lica. Tokom 2020. godine u ovoj fazi krivičnog postupka nije primljen niti jedan predmet. Tužilaštvo nastavlja voditi istragu u neriješena 2 predmeta protiv 2 osumnjičena lica zbog osnova sumnje da su počinila krivična djela iz ove oblasti.

U Tužilaštvu egzistira i određeni broj predmeta ratnih zločina u fazi istrage, ali koja se vodi protiv nepoznatog počinioca (KTN RZ predmet). Radi se o predmetima gdje su nesporno identificirane žrtve, utvrđene okolnosti njihovog lišavanja života, takve okolnosti ukazuju da postoje osnovi sumnje da je do ubistava došlo izvršenjem ratnog zločina protiv civilnog stanovništva, ali su počinioci nepoznati. Na početku izvještajnog perioda takvih predmeta je bilo 31, tokom godine nisu primljeni novi predmeti tako da će Tužilaštvo nastaviti istragu u ovim predmetima u nastojanju da otkrije počinioca ovih krivičnih djela.

Sprovođenjem Državne Strategije za procesuiranje predmeta ratnih zločina ovo Tužilaštvo očekuje priliv značajnijeg broja predmeta ratnih zločina u kojima počinilac nije poznat ustupanjem istih od strane Tužilaštva Bosne i Hercegovine.

Tužilaštvo je tokom 2020. godine okončalo proces revizije posmrtnih ostataka iz ekshumacija koje su obavljane ranijih godina na području Brčko distrikta BiH. Skeletni ostaci najvećeg broja žrtava su sahranjeni tako što su pripojeni već ranije sahranjenim posmrtnim ostacima istih žrtava. Za 34 slučaja je izvršeno ponovno uzimanje uzoraka za DNA analizu (uzorak je nekad ranije već uziman) kako bi se povećale šanse za identifikaciju. Revizijom je takođe utvrđeno da postoji 28 slučajeva posmrtnih ostataka žrtava gdje je već utvrđen DNA ali identifikacija žrtve nije izvršena jer još nema podudaranja sa DNA srodnika. Namjera je Tužilaštva da takvi posmrtni

ostaci budu sahranjeni pod NN oznakom ali da bi se to realizovalo potrebno je utvrditi parcelu-mjesto za sahranjivanje. Tužilaštvo se pismeno obraćalo Gradonačelniku i predsjedniku Skupštine Brčko distrikta BiH kako bi nadležne službe Vlade provele odgovarajući postupak te odredile parcelu za ove namjene. U proteklim godinama nije ništa preduzeto u ovom pravcu tako da je ovaj proces sahranjivanja posmrtnih ostataka u potpunom zastoju. O navedenim činjenicama su potpuno upoznata i odgovarajuća udruženja žrtava. Predmeti ekshumacija su zavedeni u KTA RZ upisnik i takvih neriješenih predmeta je 2.

III 3. Optuženja

Tokom 2020. godine Tužilaštvo nije podiglo niti jednu optužnicu za ovu vrstu predmeta.

Na početku 2020 godine u fazi glavnog pretresa (suđenja) se nalazilo 6 predmeta protiv 7 optuženih lica. Jedan predmet je okončan tokom 2020. godine. **Pred sudovima Brčko distrikta BiH u 5 predmeta protiv 6 lica još nisu donesene pravosnažne presude.** Dinamiku rješavanja ovih predmeta i donošenje presuda će diktirati sudovi Brčko distrikta BiH.

III 4. Ostalo

U radu na predmetima ratnih zločina, počev od kraja 2004. godine (kada je ovo tužilaštvo dobilo predmete ratnih zločina) pa do danas ukupno su u radu, u fazi istrage, bila 64 predmeta protiv 277 lica. Podignute su optužnice u 23 predmeta protiv 36 lica, dok je obustavljanjem istrage ili na drugi način riješeno 38 predmeta protiv 238 lica. Ukupno je pravosnažno presuđeno 16 predmeta i donijete presude za 25 lica. U tih 16 predmeta 16 lica je osuđeno na zatvorske kazne dok je 9 lica oslobođeno od optužbe.

Uz to riješeno je i 125 predmeta raznih vrsta vezanih za ratne zločine (KTA RZ predmeti) te još 94 predmeta protiv nepoznatog počinioca (KTN-RZ), vezanih za ratne zločine.

Ono što treba posebno naglasiti i podcrtati jeste činjenica da se u ovom trenutku ubjedljivo najveći broj predmeta ratnih zločina s mjestom izvršenja na području Brčko distrikta BiH, a među njima i oni najsloženiji, nalaze u nadležnosti Tužilaštva BiH. Osim predmeta koje je izvorno formiralo Tužilaštvo BiH, Tužilaštvo Brčko distrikta je ustupilo na nadležnost veliki broj predmeta (101 predmet) i to:

- 16 predmeta istrage protiv poznatih osumnjičenih lica,
- 3 predmeta u fazi suđenja-glavnog pretresa,
- 20 predmeta oznaka KTA-RZ (predmeti ekshumacija ili slični predmeti koji činjenicama u spisu ukazuju na mogućnost da su vezani za počinjenje krivičnih djela ratnog zločina),
- 62 KTN-RZ predmeta (poimenično evidentirane žrtve ratnog zločina ali počinilac istog nije poznat).

Iz nekih od pomenutih predmeta su proizašle optužnice po kojima se na Sudu BiH već sudi optuženim za ratne zločine počinjene na području Brčko distrikta BiH.

IV - PRIVREDNI KRIMINAL I KORUPCIJA

1. KRIVIČNA DJELA PRIVREDNOG KRIMINALA (KTPO predmeti)

Tužilaštvo se bavilo i predmetima privrednog kriminala (u koje se ubrajaju krivična djela protiv privrede, poslovanja i sigurnosti platnog prometa – glava XXII Krivičnog zakona, krivična djela iz oblasti poreza-glava XXIII i krivična djela podmićivanja i određena krivična djela protiv službene i druge odgovorne dužnosti – glava XXXI). Radi uspješne borbe protiv ovog vida kriminala i korupcije Tužilaštvo je ustrojilo poseban Odsjek za privredni, finansijski i organizovani kriminal, u koji su raspoređena 2 tužioca i 2 stručna saradnika. Oni se isključivo bave istraživanjem i procesuiranjem ove vrste krivičnih djela.

U 2020-oj godini primljena je 21 prijava protiv 30 lica za ovu vrstu krivičnih djela. Riješene su sve prijave na način da su u svim predmetima donijete naredbe o sprovođenju istrage. Na kraju godine nije bilo predmeta neriješenih prijava.

Na početku 2020. godine neriješenih istraga je bilo 9 predmeta protiv 14 lica, tokom godine je naređena istraga u 21 predmetu protiv 30 lica tako da je ukupno u radu bilo 30 predmeta protiv 44 lica. Riješeno je 20 istražnih predmeta protiv 28 lica a broj neriješenih istraga je ostao u 10 predmeta protiv 16 lica.

Završene istrage su rezultirale podizanjem i potvrđivanjem optužnica u 11 predmeta protiv 12 lica. Predmeti se nalaze u fazi glavnog pretresa. U 7 predmeta protiv 9 lica Tužilaštvo je donijelo Naredbu o obustavi istrage, dok su istrage u 2 predmeta protiv 7 lica riješene na drugi način.

Pravosnažno je presuđeno 16 predmeta protiv 21 lica pri čemu su u svim predmetima donijete osuđujuće presude predmeta protiv 19 lica donesene osuđujuće presude a za 2 lica iz tih predmeta su donijete oslobađajuće presude. Osuđenim licima su izrečene uslovne osude (u 14 predmeta protiv 15 lica), u 2 predmeta protiv 3 lica su izrečene kazne zatvora dok je za 1 lice izrečena novčana kazna.

Pred sudovima Distrikta nezavršenih predmeta ove vrste u fazi optuženja je 21 protiv 22 lica. Dinamiku suđenja a time i vrijeme pravosnažnog presuđenja određuju sudovi a Tužilaštvo će se takvoj dinamici sigurno prilagoditi.

2. KRIVIČNA DJELA KORUPCIJE (KTK PREDMETI)

Predmeti korupcije su takođe bili segment rada Tužilaštva i to s prioritetom u njihovom rješavanju. Radi pojašnjenja, radi se o predmetima vezanim za krivična djela iz Krivičnog zakona Brčko distrikta BiH poimenično nabrojana prema Listi koruptivnih krivičnih djela koju je usvojilo Visoko sudsko i tužilačko vijeće BiH. Ako govorimo samo o ovoj vrsti krivičnih djela, onda se može konstatovati sljedeće stanje na kraju 2020. godine.

U fazi prijave na početku godine nije bilo neriješenih predmeta, tokom godine je primljeno 19 prijava protiv 32 lica. Prijave su riješene u svim predmetima i za sva lica tako da na kraju godine nije bilo neriješenih prijava za ova krivična djela.

U fazi istrage na početku godine su bila 4 neriješena predmeta protiv 11 lica, otvorene su nove istrage u 19 predmeta protiv 32 lica, tako da su ukupno u radu bila 23 istražna predmeta protiv 43 lica. Riješeno je 13 istražnih predmeta protiv 22 lica dok za dalji rad ostaje 10 predmeta protiv 21 lica. Istrage su riješene tako što je u 11 predmeta podignuta optužnica protiv 17 lica, u 2 predmeta protiv 5 lica su istrage obustavljene.

Tokom 2020. godine pravosnažno je presuđeno 8 predmeta protiv 8 lica. U 7 predmeta protiv 7 lica su donijete pravosnažne osuđujuće presude dok je u 1 predmetu za 1 lice donijeta oslobađajuća presuda. Kada je riječ o krivičnim sankcijama u 6 predmeta protiv 6 lica su izrečene uslovne osude a u 1 predmetu protiv 1 lica je izrečena zatvorska kazna.

Pred sudovima Distrikta u fazi optuženja se nalazi još 26 nepresuđenih predmeta protiv 50 lica. Kao i kod ostalih predmeta u ovoj fazi postupka, dinamiku suđenja odnosno momenat pravosnažnog presuđenja će određivati sudovi Distrikta.

TABELARNI PRIKAZ (**PRAVOSNAŽNO**) PRESUĐENIH PREDMETA
ZA PERIOD 1.1.-31.12.2020. GODINE

UKUPNO PRESUĐENO «KT»; „KTK“; „KTPO“; „KTO“; „KTRZ“ : **196 PREDMETA** PROTIV **231 LICA**

OSUĐUJUĆE PRESUDE																	NEOSUĐUJUĆE PRESUDE							
PREDMETI					%		LICA						%				PREDM.		%		LICA		%	
189					96,43		222						96,10				7		3,57		9		3,90	
USLOVNE OSUDE					ZATVORSKE KAZNE				NOVČANE KAZNE				OSUĐUJUĆA- utvrđujuća/oslobađanje od kazne/neuračun.				OSLOBAĐAJUĆE				ODBIJAJUĆE			
Oznaka pred.	P	%	L	%	P	%	L	%	P	%	L	%	P	%	L	%	P	%	L	%	P	%	L	%
KT	74	39	85	38	61	32	78	35	30	16	32	14	1	1	1	1	6	86	6	67	0	0	0	0
KTK	6	3	6	3	1	1	1	1	0	0	0	0	0	0	0	0	1	14	1	11	0	0	0	0
KTPO	14	7	15	6	2	1	3	1	0	0	1	1	0	0	0	0	0	0	1	11	0	0	1	11
KTO	0	0	0	0	0	0	0	0	0	0	0	0	0	0	0	0	0	0	0	0	0	0	0	0
KTRZ	0	0	0	0	0	0	0	0	0	0	0	0	0	0	0	0	0	0	0	0	0	0	0	0
UKUPNO	94	49	106	47	64	34	82	37	30	16	33	15	1	1	1	1	7	100	8	89	0	0	1	11

UKUPNO IZREČENO 36 godina i 6 mjeseci kazne zatvora u 64 predmeta protiv 82 lica

IZREČENA KAZNA ZATVORA	BROJ PREDMETA	%	BROJ LICA U PREDM.	%
DO 3 MJESECA	32	50	47	57
OD 3 DO 6 MJESECI	15	23	18	22
OD 6 MJ. DO 1 GOD.	10	16	10	12
OD 1 DO 2 GODINE	6	9	6	7
OD 2 DO 4 GODINE	1	2	1	2
UKUPNO:	64	100	82	100

NOVČANE KAZNE:U izvještajnom periodu izrečeno novčanih kazni u iznosu od 30.300,00 KM, u ukupno 30 predmeta protiv 33 lica

**** Po optužnicama s kaznenim nalogom presuđeno 58 (30%) protiv 59 lica (25 %).

**** Po sporazumu o priznanju krivice presuđeno 45 predmeta (23 %) protiv 55 lica (23 %).

V – STANJE KRIMINALITETA I ZAKLJUČNA RAZMATRANJA

Kao što je iz ranije prezentiranih podataka vidljivo, u 2020-oj godini su ukupno presuđena 196 predmeta protiv 231 lica. U odnosu na broj presuđenih lica, procent osuđujućih presuda iznosi 96,10% a neosuđujućih presuda 3,90%. Od 222 osuđena lica, za njih 106 ili za 47% su izrečene uslovne osude, za 33 lica ili njih 15% su izrečene novčane kazne a za 82 lica ili 37% osuđenih lica su izrečene kazne zatvora dok je za 1 lice ili 1% donijeta osuđujuća presuda ali je utvrđeno da je krivično djelo počinio u stanju neuračunljivosti. Ukupan vremenski zbir svih zatvorskih kazni iznosi 36 godina i 6 mjeseci. Najveći broj tako izrečenih kazni je u trajanju do 3 mjeseca (za 47 lica ili 57%), u rasponu od 3 do 6 mjeseci zatvora procent zatvorskih kazni je 22% (prema 18 lica), od 6 mjeseci do jedne godine kažnjeno je 12% lica (10 lica) dok je kaznom zatvora dužom od 1 godine kažnjeno 9% (7 lica). Ukupan zbir svih izrečenih novčanih kazni iznosi 30.300,00 KM a izrečene su u 30 predmeta protiv 33 lica.

Svi podaci prezentirani u ovom izvještaju daju osnov da se stanje kriminaliteta a s tim u vezi i stanje opšte bezbjednosti u Brčko distriktu može ocijeniti više nego zadovoljavajućim. Cijenimo da je osjećaj sigurnosti građana Brčko distrikta potpun. Ovakvu ocjenu zasnivamo na činjenici da u Brčko distriktu broj izvršenih krivičnih djela nije velik, teška krivična djela nisu značajnije zastupljena a ukoliko se i dese počinioци uglavnom bivaju brzo otkriveni i izuzetno brzo procesuirani, nema krivičnih djela koja su izazvala iole izraženiju uznemirenost građanstva kao i činjenica da nije bilo težih krivičnih djela u kojima je učestvovao veći broj izvršilaca (grupe i organizovane grupe).

Kada je riječ o maloljetnim izvršiocima krivičnih djela, u 2020-oj godini je prijavljeno 20 maloljetnih počinilaca krivičnih djela (u 2019-oj godini je prijavljeno 19 maloljetnih počinilaca krivičnih djela, u 2018-oj 40 maloljetnika). Struktura krivičnih djela koje izvršavaju maloljetnici (a koja je prezentirana naprijed u ovom izvještaju) pokazuje da se radi isključivo o lakšim krivičnim djelima, odnosno djelima manje društvene opasnosti. Svi prezentirani podaci ukazuju da problem maloljetničkog kriminala u Brčko distriktu nije izražen.

Kao i svake godine, i u 2020-oj godini u strukturi prijavljenih krivičnih djela brojnošću dominiraju krivična djela protiv imovine, (dominantna su krivična djela Krađa, Teška krađa i Oštećenje tuđe stvari), Krivična djela protiv zdravlja ljudi (najbrojnija krivična djela su Neovlaštena proizvodnja i stavljanje u promet opojnih droga i Nepostupanje po zdravstvenim propisima u vrijeme epidemije), Krivična djela podmićivanja i krivična djela protiv službene i druge odgovorne dužnosti (najčešća djela Zloupotreba položaja ili ovlasti i Pronevjera), krivična djela protiv javnog reda i pravnog saobraćaja (najbrojnije djelo Falsifikovanje isprave) te krivična djela protiv života i tijela (najčešće djelo je Laka tjelesna povreda i Ubistvo). Krivična djela protiv imovine su kao i svake godine ubjedljivo najviše zastupljena u strukturi izvršenih krivičnih djela. I pored brojnosti ovih imovinskih krivičnih djela, njihov stepen društvene opasnosti nije visok jer se u najvećem broju krivičnih djela ne radi o većim iznosima štete odnosno značajnijim iznosima prisvojene protivpravne koristi.

Prvi od dva apsolutna prioriteta u radu Tužilaštva jeste procesuiranje izvršilaca krivičnih djela ratnog zločina. Naprijed su prezentirani statistički pokazatelji o radu na ovoj vrsti predmeta. Ponuđeni podaci pokazuju da je u ovom Tužilaštvu u fazi istrage protiv poznatog počinioца ostala samo još 2 predmeta protiv 2 lica. Takođe je ukazano da se težište procesuiranja predmeta ratnih zločina s mjestom izvršenja na području Brčko distrikta BiH „seli“ u Tužilaštvo BiH. Broj predmeta koji je naprijed dat a koji se nalaze u radu pred tim Tužilaštvom to najbolje ilustruje. Ovo Tužilaštvo će i

dalje činiti sve što je u njegovoj moći da bez bilo kakvih predrasuda ili predubjeđenja u pogledu počinilaca ili žrtava rješava ovu vrstu zločina.

Kao što je naprijed navedeno kroz dosadašnji rad ovo Tužilaštvo je riješilo značajan broj predmeta. Uvid u prezentirane statističke pokazatelje pokazuje da je za dalji rad ostalo:

- 2 predmeta protiv 2 poznata osumnjičena lica u fazi istrage,
- 31 predmet protiv nepoznatih počinilaca u fazi istrage,
- 5 predmeta protiv 6 lica, postupak se nalazi u fazi suđenja,
- 2 KTARZ predmeta.

Drugi prioritet u radu jesu predmeti vezani za krivična djela korupcije i privrednog kriminala. U ovoj oblasti su ostvareni zapaženi rezultati, statistički iskazani u ovom izvještaju. Kroz više slučajeva u kojima su predmet procesuiranja bili srednje rangirani državni ili javni službenici Tužilaštvo i Policija Brčko distrikta su manifestovali neupitnu volju da se bave ovom vrstom predmeta. Težimo da budu obuhvaćeni i krivično procesuirani što ozbiljniji i teži oblici izvršenja ovih djela (srednja i visoka korupcija). Ipak treba imati u vidu da je borba protiv korupcije stvar cijelog društva, institucija, vladinog i nevladinog sektora, medija, pa i svakog građanina pojedinačno. Samo tako širok pristup, u kojem naravno Tužilaštvo predvodi i kruniše napore agencija za provedbu zakona i cijelog društva, može dati ozbiljniji rezultat u borbi protiv ovog razarajućeg i duboko ukorijenjenog problema društva.

Kada je riječ o radu i budućim aktivnostima Tužilaštva u 2020-oj godini, takve aktivnosti su precizirane u godišnjem planu rada. Saglasno ovom planu rada Tužilaštvo je za 2020. godinu postavilo sljedeće ciljeve i prioritete:

- riješiti sve prijave koje budu primljene u 2021-oj godini,
- u otkrivanju i gonjenju počinilaca krivičnih djela iz oblasti korupcije podići broj provedenih istraga i podignutih optužnica, težište rada i dalje stavljati na krivična djela počinjena zloupotrebom javnih sredstava, odnosno druge zloupotrebe vezane za vladine institucije odnosno službe, po mogućnosti na visoku i srednju korupciju,
- u oblasti ratnih zločina provesti plan rješavanja predmeta ratnih zločina,
- riješiti sve stare predmete, predmeti inicijalno formirani 2018. godine ili ih dovesti u stanje da jedino objektivne okolnosti mogu predstavljati razloge koji sprečavaju okončanje istraga,
- zadržati dostignuti nivo kvaliteta rada (procent osuđujućih presuda),
- u odnosu na kvantitet rada ostvariti što je moguće veći procent pojedinačne i kolektivne norme.

GLAVNI TUŽILAC
BRČKO DISTRIKTA BiH
Zekerija Mujkanović

Značenje pojedinih oznaka:

KT	krivični predmet protiv poznatog punoljetnog počinioca, opći kriminal
KTK	krivični predmet protiv poznatog punoljetnog počinioca, korupcija
KTPO	krivični predmet protiv poznatog punoljetnog počinioca, privredni kriminal
KTRZ	krivični predmet protiv poznatog punoljetnog počinioca, ratni zločin
KTO	Krivična djela protiv poznatog počinioca, organizovani kriminal
KTM	krivični predmet protiv poznatog maloljetnog počinioca, sve vrste kriminala
KTAK	neodredivo krivično djelo ili počinilac a ukazuje na protivpravnu radnju
KTAPPO	neodredivo krivično djelo ili počinilac a ukazuje na protivpravnu radnju privrednog kriminala
KTAK	neodredivo krivično djelo ili počinilac a ukazuje na protivpravnu radnju korupcije
KTN	krivični predmet s konkretnim krivičnim djelom a počinilac nepoznat
KTRZ	neodredivo krivično djelo ili počinilac a ukazuje na protivpravnu radnju - ratni zločin
KTNRZ	krivični predmet s konkretnim krivičnim djelom a počinilac nepoznat – ratni zločin
KTP	predmeti po prigovoru podnosioca prijave ili oštećenog
KTPP	predmeti ponavljanja postupka
KTR	razni tužilački predmeti
KTPOM	Pravna pomoć
KTMPOM	Međunarodna pravna pomoć
KTŽ	krivični predmet protiv poznatog punoljetnog počinioca, opći kriminal - postupak po žalbi
KTKŽ	krivični predmet protiv poznatog punoljetnog počinioca, korupcija- postupak po žalbi
KTPOŽ	krivični predmet protiv poznatog punoljetnog počinioca, privredni kriminal - postupak po žalbi
KTRZZ	krivični predmet protiv poznatog punoljetnog počinioca, ratni zločin- postupak po žalbi